

憶山堂詩錄

憶山堂詩錄序

余初事篇什風氣已降爲者空疏無事學問可率意而成遂不甚致力乃學爲考據則如拾漚莫益於用而又置之其心竊寘迄無所寄乾隆乙卯歲家君輸銅京師將算簿帳於滇過家攜之出門行四閱月涂次自教之流寓數載則先母督之嚴長篇短軸不使去手亦惟廣所未見求其離合不甚爲詩也其時庸濮陽有夷苗之變繼以兩楚奸民道梗瘡痍疾苦有觸懷抱迨偕計吏屢往返京洛曾未得當足迹所至已歷九州誦山川之峻深酬當世之雄傑然而源流

未涉空軫無歸當其哀吟意亦斷絕年垂四十得文學掾凡就是官輒難舉其職恐徒竊祿粗作料檢而來駭怪感憤發疾痛吾生之有涯恨知己之將盡曾無巖壑以藏其身罔顧險巇以溷其迹遂以偃蹇而多頽放或不知其憂轉以爲謗亦不欲辨也多病忽遺不能整齊就所存者爲憶山堂詩錄憶山堂者取謝氏之詩以自名其居也嘉慶二十五年七月長洲宋翔鳳記

卷一癸丑至丙辰詩七十五首

卷二丁巳至壬戌七十一首

卷三癸亥至乙丑詩五十五首

卷四丙寅至庚午詩五十八首

卷五辛未詩六十九首

卷六壬申癸酉詩六十六首

卷七甲戌詩八十六首

卷八乙亥詩九十五首

丁巳以前詩在演時經望江檀大令點定并爲作序
今並失去惟見檀氏演南詩話載有數篇皆淺弱不
足補入居里時同縣王典簿吳江袁徵士皆當繩削
之在京師客大興朱太傅邸中太傅亦定其詩瀕行
贈詩復激厲之後大興舒孝廉覆加去取而力勸刻
之者則同縣徐侍郎也嘉慶戊寅秋日偶至白下因
取癸丑至乙亥二十三年之作分爲八卷付工刻之
時擬并及丙子以後故序中兼言之然官所至白下

序目

一江之隔寫時不能對校八卷之中所錄者或刪去
所刪者反盡存而首卷尤甚當時任其印行茲江程
類類阻風舟中偶取視之輒敗意不能終卷乃粗理
料前後中間稍改易其字畧可通者卽存之此後
之詩不更鹵莽以行故就八卷而止然昔之點定其
詩而阿好之者其人皆已九原則此詩雖不足以及
遠而憂樂合散之故亦可就以考見固有不
得不存者焉道光五年正月十七日附記

憶山堂詩錄卷之一

癸丑

園樹四首

園中木蘭樹含苞度霜雪春氣一回復爛熳滿枝節
微風難動搖朗月照清徹後來百蘄妍誰能如汝潔
牡丹亦奇植其說姚黃花花開自年年折贈知誰嗟
早能飽風露因之鬪雲霞富麗時易歇歲月浩無涯
曷不培本根毋徒重繁葩

閒步一畝宮涼月漸朦朧枝頭有古香葉底多秋風
曠然千載心遠託山阿中何時著書成壽此桂樹叢

草木有代謝松小恒青蒼欲參羅漢乘疑發優曇香
不爲濤聲壯不作龍鱗僵終歲足生意鬱鬱還自藏

復園

乾隆初郡人蔣君就拙政園舊址重葺
爲復園繪復園嘉會圖一時勝流皆在

拙政園初復詩人昔往來風流成一世雲木已荒臺

海燕幾時到山茶何處開

吳梅邨有拙政園山茶歌

聞歌空掩抑

思古儘裴回意未親魚鳥功誰闢草萊捫蘿時恐刺
看竹不須猜石更從容品花期爛熳栽知無最高頂

謝客莫生哀

除夕

今夕是何夕蕭蕭歲已闌燭花時送喜酒纈不知寒

上壽重親健清尊萬里看
牂柯遲信息潛漢有波瀾
況值蹉跎景彌思定省難
梅巡簷際樹梨飢座中盤
覓句燈花落隨身劔影單
不眠從鏡聽遠道願平安

甲寅

京口

京口昔巖鎮今來惟柳絲
難尋寄奴迹不見佛狸祠
春岸溢遙思候潮無盡時
吾生牢落甚欲訴暮江知
瓜步夜泊見月

瓜步茫茫樹清淮寂寂流
可憐二分月空望古揚州

渡江

不辨金焦影春江往復還暮潮依信至難洗淚斑斑

春閨曲

落花辭條花自冷春人送春心耿耿簾風不度幾裴
回春氣著人如酩酊朝朝日射東南樓寶帳流蘇樓
上頭夢作柳花無倚著愁成萍葉易漂流連錢古陌
青驄馬垂轡停鞭酒鑪下竹枝一曲意全消玉軫三
更淚盈把欲贈名花無數情隔花啼鳥亂啼聲暮雲
怕惹春閨恨低作重陰看未明

王廢基

在蘇州府城傳
爲張士誠故宮

蒼耳生寒埂青燐出廢基獨行成曠望弔古一淒其

勝國朝初建羣黎聽尙疑曾傳陳勝王偏繫楚民思
下邑資經畫中吳任指揮離宮依茂苑別殿仿彤墀
密石雕虛檻文梁發曲池紆迴穿沼沚宛轉見山坻
碧玉閭門瓦黃金夾道枝居然同壯麗誰與辨雄雌
不謂彈丸地終如累卵危假王原未久大命豈能縻
一旦師垂入三軍氣弗支營看皆漢幟城不豎降旗
忍以千家產翻成一炬悲當年侔魏闕終古見荒陂
興廢猶前日銷沈悵往時欲增吳地記聊比越宮詞
莫雨耕遺礎春風臥斷碑賢明說嬰母古墓尙金姬

金姬墩在城外
土誠母所葬也

五人墓

山塘足遊賞結客共尋春古道多叢葬豐碑誌五人
流連悲往事憑弔總先民奄寺橫前代羣賢歎不辰
豺狼嗥滿道桎梏逮孤臣吏部詞原激中涓目共瞋
擬將心比石乃使路生榛憤起專諸里哀深易水濱
培奸非量力取義自忘身緹騎魂真喪貂璫怨益新
縱橫都市戮慷慨下泉親碧血何時變青山此日鄰
千秋懷毅魄一代已寒燐任俠酬知遇公忠係搢紳
何當援比例信可絕羣倫螭魅愁將避風霆勢自振
鼓刀非宋宋載筆太斷斷北寺寃同覆東林道未泯

墓門成斧棘過客戒樵薪落日松林晚東風欲墊巾

壽翁詩

名同春諸暨人遊淡水同知幕賊林爽文亂戰沒

壽翁會稽人七十頭已白時平無可用投老幕下客
夙習形名家案牘非刻覈不厭魯酒薄春風脫簪幘
布衣亦區區撫劍還自惜時爲閩粵遊頻倒諸卿舄
清時海波恬浩蕩賈人舶澎湖隔諸郡往來挂飄席
詎謂丙午冬竊發倖蠶螫紛紛殺文吏知是探丸赤
官死人欲逃誰能辦所適大軍時未來賊作嬰城柵
皆憂鹿耳開咽喉爲彼搯方隅淡水城存亡在朝夕
咄嗟此翁起談笑無矛戟當時賊溪信俛首乞經畫

翁陰約吏民一呼衆相格空城食時復賊首草中擲
無何大軍至震霆驚妖魄翁來造營門便陳勦撫策
渠魁雖負隅勢已削肘腋願得提偏師殺賊期自責
隨營諸偏裨聞言舌俱咋彼賊已猖狂奚能指顧獲
此翁一何愚乃欲當其阨元帥壯其言授翁兵二百
自古善師者志不在求益聲援責後勁前茅始難卻
方其率衆前賊已阻險窄局促爲巷戰兵短相鉤撫
孤軍入已深後顧徒悲嗒吁嗟七十翁一歿見平昔
其先支危城百歿完趙璧雖無一命寄而乃志疆場
取義良匪難成仁有所擇丈夫歿有地千年裹馬革

卽今慶

盛世小醜已獻馘表章斯布衣誰云

九重隔嬉嬉諸府兵介冑同時釋願告守土者片言
露肝膈邊隅寶竅遠取可量肥瘠使其無告時困獸
猶跳躑徒令斯布衣聲名垂竹帛詠歌有遺音竅泉
血應碧

鈔書自題

尚書大傳

伏學山東盛今文科斗偕師傳徒放失大義此根菱
洪範一銘別洪範五行傳銘子政父子作崇文四卷
不當雜入大傳四十一篇內

乖

崇文總目書大傳四卷已非元本

何時合經傳斯誤起松崖

漢書藝文

志尚書傳四十一篇康成詮次爲八十三篇不與二十入篇經文數合則是通論大義如韓詩外傳之例不必附麗于當篇之下也故康成敘云別作章句又特撰大義因經屬指名之曰傳則經文別爲章句不雜傳內今雅雨堂本經傳雜廁出惠松崖手也

駁五經異義

門戶從來固調人自古難汝南今學缺北海秘書殘
帝繫潛夫述明堂博士官鄭公元內學聊此一更端
叔重多用今文家說康成又以緯書斷之如議明堂及五帝繫尤其大者

論語鄭注

微言元不絕魯論廿篇留

子夏六十四人共撰仲尼微言以當素王見論語崇

爵中是春秋法君能步緯搜遺文輯唐代古讀注張
侯如此衰微極精心待校讐

爰湘灑文

棠

將遊淮上賦此送之

鱗鱗門外柳如絲爲送征人折幾枝纔說別離都是
恨起瞻雲樹已相思三春作客詩應好千里懷人酒
漫持問訊當年漂母厝近來帶劍少人知

記事

憶向江頭見盈盈淚未乾東風低弱草幽露泣春蘭
鏡檻人方倚銅鋪夢已殘誰知飄泊久秋水不勝寒

蠟梅

歲寒何事譜羣芳入臘山家信未荒雪意欲濃香澹
泊冰魂乍返色昏黃也堪竟月相酬答不與春風共
較量恰有水僊能作偶何愁偃蹇幾枝僵

乙卯

寄諸妹滇中二首

骨肉皆天末音書到日稀常時看雁返幾度見花飛
剗下我違久鐙前尔共依言多帑易盡掩卷一歔歔
近聽行人語黔中烽火淡高堂應望眼異地各沾襟
邊信隔三月離思并一心西南雲萬疊看到夕陽沈

題南燼紀聞

一卷徽欽事繙來痛寡儔東京傳九帝北聘等諸侯
危急開言路徘徊失坐籌寇來兵尙偃陰盛黨仍鈎
盟已輸孤注身同作贅旒河山如草芥骨肉共俘囚
青蓋何年識黃沙萬里愁穹廬行酒去宮裏聽歌留
妃主多傍面君王竟戴頭何人合餘燼此日咲前謀
弔詭稱泥馬悲涼獨土牛迎春土牛有淚痕是傳聞
空日月實錄異春秋汲郡書難信虞初說已哀言應
傳計替監二帝者名阿計替名孰定辛周南宋雜事詩注作周輝著此本題辛棄疾
撰或以和戎議會忘喪國羞故陳詞慘酷將使志仇
讐壇場思諸將朝廷錯六州徒教千種淚并作一雙

流中有孤臣血時無壯士憂可憐南渡日江上足優游

高樓二首

高樓臨大道自小識東家
衰憶裁縫薄風還料峭斜
影從青瑣見愁被綠楊遮
好住清溪畔年年夢落花
說事渾難記言愁有別腸
詩篇贈桃葉丸藥乞蘭香
惆悵筵前語分明夢裏妝
但能心叩叩何必問行藏

秋海棠

獨有寒煙滿故宮誰知秋色太
忽忽芳心迸作淚千
點冷露滴開紅一叢
欲識深痕風定後最憐清影月

明中玉階莫厭花無賴引入詩懷便不同

北新關蚤起

昨到錢唐縣行舟宿水邊鼓聲關蚤破篷影日初穿
脈脈煙生水離離樹滿川遙聞津吏語絲粟算商錢

錢唐江夜泊聞潮

驚起寒江宿中宵萬馬鳴曾聞強弩射不見候潮平
夜久聲逾壯風多意更清扁舟如葉寄直欲悟浮生

江山船雜詩

篷窗坐臥對烟鬟見底粼粼碧一灣白是鷺鷥紅是
相賴他點綴富春山

七里灘聲帶夢聽風多猶有一鐙青寒宵萬里沈沈
黑難向天邊認客星

幾年飽喫洞庭霜又把衢州橘子嘗紺袖雙雙纖手
摘品來佳種更難忘

隔卻船窗想未眠玉人如霧水如煙不須細數隨潮
信人意江波共可憐

幾擔琴書幾襲衣經旬水道尙依稀明朝懷玉山頭
望只有寥空數雁飛

滕王閣

帝子忽以遠才人同渺茫高樓亦瑰特過客幾方皇

落木千山冷寒流百折長問他牛斗分劍氣可能藏

長沙

楚山如畫楚江清擊楫中流感自并暮雁寒雲愁裏
遠女牆雉堞望中明青山寂歷懷湘魄舊宅淒涼問
賈生惆悵從來是騷客況當搖落未勝情

讀桃花源記過桃源縣作

五柳先生絕代人末流難浼此間身編詩年不題劉
宋作記心同避暴秦絕徑荒唐豈有迹重門指點太
無因寄聲結網臨淵者我亦迷塗欲問津

玉屏舟中作

灘行水宿太勞生到此溪流更不平諸葛營西草蕭
瑟夜郎城近樹縱橫晴山窗外一時碧浣女竹閒相
對明遙想蠻雲千萬疊東風送我蹇驢征

鎮遠逆旅立春呈家大人作

朝來窗見日知是客中春爆竹山城滿神荼板屋新
蘇臺應有雪洱海想無塵氣候西南早東風自滿津
一月湖南道清灘記溯洄時聞飛羽檄頻報縛渠魁
盾臯消磨盡壺頭覽眺哀五溪銅柱在曾記寫詩來
丙辰

飛雲巖

在貴州黃平州
城西二十四里

人生或不到奇境往往有何處一片雲飛著此山阜
如烟生蒼梧如絮出谷口突若虎豹蹲低作龍虵走
危亭矗高峯可以挹星斗寒梅發回坡古香襲襟肘
盡忘一切因清磬和寒澗黔中多山巒奇者此無偶
我來暫登陟不覺低徊久迺知造物心待此山靈厚
清奇不容發險阻各相守不然一洞天又爲世人剖
壁閒模黏字殊難辨政醜似欲贈飛雲雲飛不回首
吾詩不題石酌以數升酒斯巖儻有靈爲我時一吼

響琴峽

平越縣境

澗曲聲泠泠湍急石齒齒人看山色來馬隨澗聲止

空山極寥泐但聞清入耳始知太古音自在山與水
陶令尙多事無弦非真理欲攜左太冲招隱空山裏

老鷹巖

普安州境

平地無三里

黔諺天無三日晴地無三里平

斯巖歷更高飛應怯鷹

隼捷欲羨蝮猱危石當官路東風做客袞滇雲今可望莫憚此行勞

蘆笙曲

蘆笙苗樂也其俗於正月中小男女攜笙於山頭競吹謂之跳月相悅則以聲通意云

新樣製蘆笙吹來藉通語脈脈明兩心對對小兒女

春林發新聲滿山有明月吹得羣花開不許羣花歇

石蚪亭作

入平彘縣境有奇石如兩龍蟠屈半畝故巡撫部公
稟命之曰石蚪因建亭其上

滇竟今朝入高亭撫石蚪山容一舒眼地脈兩分頭

蚪形兩首相背若分向滇黔者然宿雨消蠻瘴春風破客愁晴天兼

好路前望欲歌謳

歸化寺

雲南府城東十里國初察貝勒等捨吳孽于此因建爲寺

步蹠入高寺羣山對面青雜花紅一塢芳草綠盈庭
禪意交關悟雲光澹沱停青蛉二千里勝地始來經

此寺康熙建豐碑蘚未生 王師新紀績戰士舊題
名策馬豈無意唳鵑時有聲前頭山色好指點碧雞
城

夜住江川縣關索嶺上

僕僕日行役漸沒飛鳥影舉首望前涂一嶺最高迴
娟娟初三月照我來絕頂路險馬蹏蹏竟僻人聲靜
曾無一茅檐可以息馳騁忽聞機杼聲出自幽絕境
其中屋數楹兩扉猶未扃啁晰數棘婦細語消夜永
繫馬入其內訝問客何等迺乞一席地聊以宿俄頃
馬嘶齧樹根人飢食胡餅山高林木振入耳發淡省

世路多屈曲一身若蓬梗顧僕理鞍韉夢覺空山冷

通海縣書事

忽見秀山部蒼茫夜色侵語言皆在口安否正關心
小婢出然燭慈親起擁衾入門無可說喜極淚盈襟
諸妹各相見都來問阿耶祇因繫王事未免滯還家

大人以運銅回滇報銷未卽請咨回籍

去里近百日看山鄰五華晨興

常太息一室總天涯

大人寓會城五華山旁

寓樓雖自小足稱一家居卷帙千層亂窗櫺兩面疏
嚴師慈母訓益友古人書況有青山色看來畫不如
阿母課諸女晴窗筆共拈新春歌纂纂小妹髮鬢鬢

此是家庭樂須將歲月添七年離別意鎮日數郵籤
如此彈丸地居人盡古風借書頻送札次韵不裝筒
鄰甕酒初熟山家花正紅頻尋雞黍去多識應門童

懷人三首

陋巷汪夫子溪居盡典墳三年曾著錄一卷識奇文
講畫歸家法門牆孰張軍近爲臨碩難此義幾時聞

汪竹香師

雲山催客去風雨送愁來海內徒詩筆生前托酒杯
狂瀾元易輓異境更能開只有袁宏道飄零尙可哀

袁湘濂丈

夙羨黃童譽寒窗共兩年相規猶在耳得意且忘筌
芳草伴詩格春山入畫禪雁鴻來有日萬里好將傳
黃香涇文學
時館余家

天下大師祠

去國烽煙裏安身雲幾重傳疑真此事弔古有遺蹤
寒食聞嗚鳥空山唯暮鍾野人膜拜處枯寂識真容

贈闕吾三文學

自省通海縣人

小園花發掩柴關卻想詩人興未閑萬卷藏書分秘

笈

吳三桂敗後其
圖書半歸闕氏

幾篇家集在名山

吾三先世名禎
兆者康熙間處

士有大漁集
板存秀山寺

援琴只許空齋聽揮麈須將世語刪

日相逢忘客裏一甌更約借仍還

春夜雨

細雨溼幽窗寒憐此夜釭春山畱好夢驚我寺鍾撞

太平橋竹枝詞

太平橋在通海縣城外

橋畔人家半捲簾玉驄纔住雨廉纖花開留客簾前立一口檳榔可要添

河橋小立日初斜恰稱穠梳髻似鷓誰說深紅留不得春來處處放山茶

通海茶花爲滇中第一

留別通海諸友人

酌此離亭酒重來定幾年好山行入夢遠樹更如煙

跨馬猶芳草懷人忽暮天
祗愁風雨裏處處總嗁鶻
土主廟優曇花

千瓣開百日兩株蟠一宮
花與葉無二淨綠幽庭空
盡日坐無聲淡林時有風
結根從異域留跡開芳叢
佛書優曇等事異名則同
香清貴遠聞色淡看朦朧
精廬磬聲發靜境真無窮

五月五日圓通山寺作

佳辰尋山不出郭高寺涉足堪
登臨女蘿幽幽在卷
石胡蝶栩栩飛空林
端午日輒有五色蝶數萬飛集滿山
衣香人影媚
長日嗁鳥落花驚客心
天涯中酒默不語薰風吹我

時一吟

題顧處士

朝鼎

畫黑龍潭唐梅卷子

龍潭兩株八百載年年作花常破寒人閒風雪清有
態腕底芳華殊未闌已磨清齋三斗墨欲張曲室千
回看美人何時來一咲空山明月方團團

題圓圓妝樓圖

昔吳梅村作圓圓曲以爲一代興亡之所繫余來昆
明寓五華山下鄰華國寺有樓相傳爲圓圓梳妝處
夫跋扈之迹足羞於前日而流連之情難忘乎昔詠
因尋繪事寫之絹素記以七言亦結習之一端也

五華山下移家住鄰寺無人日方暮幾回叉手立空

庭但見栖鳥在高樹高樹依稀想畫樓美人曉起上

簾鉤鏡匣未陳慵乍掩羅衣不著坐含愁

寺中尚有
圓圓小影

作曉
妝像月作蛾眉雲作髻當年最稱通侯意舞袞紅銷

秋雨墮弓衣碧染春風地斜陽無限樹冥冥百舌難

從醉裏聽卻恨捲簾人去後茜紗長日掩窗櫺前秋

此地來狂客庭綠團團悵深夕云識樓中舊舞人殘

魂只戀青山色斯意淒涼最足思一編共讀鬼僊詩

有浙士寓樓中作扶鸞
術而圓圓至留筆甚多千門遺瓦灰塵劫古井沈泥

苔蘚滋圖來此卷亦稱妮桃是新紅柳新綠燕子能

尋盼盼樓蠻箋更寫圓圓曲破碣荒臺路總迷斷雲
遮盡女牆低聊傳一角吳宮月留作青蛉故事題

七夕連句

玉鉤不挂月夜立中庭悄翔鳳波動夕天低星暗河

流小

靜儀

停梭誰氏機露滿一叢篠微儀七襄何寂

寂枯槎太渺渺

翔鳳

欲擷滿空雲披盡八荒表靜儀

可憐宛宛星織罷天雞曉微儀

秋夜對月

秋夜月偏明秋齋意獨清漏長街鼓續鐙暗砌蛩鳴
零露已無迹微波似有情推窗坐相對忽覺峭寒生

題琴史秀山詩後

十首詩清絕一層樓上吟蠻中無此語字裏有秋心
落葉來深樹飛鴻更遠音此時惆悵意定可托遙岑

呈杜三丈鈞

楊雄訓纂徒寂寞杜陵秋興成蕭疏十年常作句漏
令萬卷如見琅嬛書丈人爲我發奇思太華亦足捫
空虛欲從閉戶一千日可使人閒無魯魚

秋日偕同人遊黑龍潭作

空山獨瘦兩株梅有兩古梅傳是唐時種潭影相邀酒一杯古

思龍吟應不絕清魂鼉窟可歸來明季昆明薛節士一家共沈於此

千秋劍氣西風冷萬種詩情客夢回
缺月微茫人易散幾時沈醉此高臺

自昆明將赴云北錄別

晨雞聞喔喔乃報東方明蚤起何爲者將作千里行
書笈在篋衍衣被充擔囊行李點檢訖擊帷上高堂
阿母呼兒前此行毋惻傷路指青蛉西半月窮殊方
古有碧雞神山勢縱復橫應能助文思鬱鬱不可藏
聞彼北勝州浮屠法最昌幻影發石罅清流瀉瓊漿
爲我一膜拜歸來道其詳弱冠宜卓犖弧矢本自強
待刮阿蒙目毋爲阮生狂汝父客葉榆風雪隔點蒼

先常寫書寄一室都安康我有諸女兒亦足寬愁腸
臨岐語丁寧攬轡心旁皇回顧五女弟一一待送兄
念此能聚首忽忽經溫涼蕭疎庭前葉骨肉殊悽惶
長者能筆札幼亦識篇章最小滇中生楚楚勝衣裳
兄行雪正深安否屬寄將顧我遊子衣又陟千仞岡
寒風金沙岸旅雁看翱翔

碧雞關

雲南府城西三十
里有碧雞神祠

早出昆明縣行行望碧雞平湖千畝闊草屋幾家栖
野寺白雲合寒關綠樹低境原開絕徼路漸近荒西
建國何年始搜神遠史稽天非蘊鴻寶時或露端倪

大詔求偏遠清才命未齊徒教洞簫賦化作杜鵑嘯
主簿昔曾設空山今遂迷輿圖傳鑿齒風土近雕題
一舍留鴻爪長涂倦馬蹏客懷依落日高詠續雌霓

天下第一湯

天下第一湯懷楊升庵作也雲南安寧州城北有環
雲巖巖足有溫泉名碧玉泉升庵以議大禮遷謫至
此題此泉爲天下第一湯余浴之果異遂作此詩
前年得讀長安志驪山西出湯池膩又見華清賜浴
圖一片粼粼空古意環雲巖下忽來經亦有溫泉慰
遊思彼猶結想此親歷且解征衣聊一試碧甃紫澗

測未深石牀灑濯流真異始覺滄涼少漸溫此時滌
盡囂塵氣石上還看赤綠文成都詞客留名字弟一
泉真在世閒自古驪山湯弟二百重神漢飲何人萬
斛丹砂藏此地漫愁飄泊亂峯西不使神奇終古秘
羯鼓曾傳傾國詞琵琶共說才人事故宮流水碧溪
雲寫來一樣潺湲淚我慕楊生三百年夢石蒼涼想
沈醉有二大石上只有青山閣往時變聲猶度松閒
吹題夢石醉石

早發雲濤寺

鐘鼓鬧僧廊行人起束裝曉煙迷古渡老樹溜餘霜

犖确馬蹏滑蒙龍虎迹藏亂山雲擁處朝日色蒼蒼
涂中雪晴

霏雪忽已過征驂此未停雲藏山脊白葉護樹頭青
莫色高低堠遙情長短亭歸鴉翻不定前望總冥冥

憶山堂詩錄卷之二

丁巳

春夜衙齋會飲席上作

鐙前無語總思家，碧月玲瓏又絳紗。
入座且聽瓊樹曲，當筵頻記玉釵斜。
青衫愁污逡巡酒，紅燭難成頃刻花。
殘醉好同清影散，却疑今夜嫩寒加。

長缺

長缺古奇士，誰能倚柱狂。
風雲銷浩氣，藜藿竟枯腸。
龍肉朝朝說，豬肝頓頓嘗。
好攜殘炙去，詩料亦無妨。
亦是二首

亦是圍城裏真同幕上烏東風靜塵市十日斷樵蘇
脫臬籠中飯勞薪戶上樞何須閉門泣笑殺牧豬奴
竊發無寸鐵歎呼惟數人倚鞍何用草按劍且休瞋
良法存鈞距危言在徙薪空聞行櫜響月色滿城闔

題淑蓮女史遺像

永寧阿
土司女

今年曾入萬山行寂寞山光看未明樓閣難尋阿溢
主鶯花空滿木邦城天人相合圖中見越客題從醉
後成只是春風蚤寥落櫻桃紅獨可憐生
春風吹到
芳菲歇留
得櫻桃自在
紅淑蓮句也

三渡河大雨

永北廳南七十
餘里爲三渡河

路逢鄉客鄉思生繫維遲我山行程西日欲落苦別
去計里未遠將三更河漢犖确馬傷足夜色慘澹人
希行忽聞東南震霆起暴雨如捲黃河傾誰憐馬上
局且脊數聲酸絕蕭蕭鳴四山滅沒望前路賴此電
色光晶晶夜中一舍三十里郵亭至止敲柴荆溼衣
聚火煨楮袖篝鐙作黍尋鑪鑪同人各歎客遊惡聽
我一笑言皆驚風霆在天豈可測山川大地多難平
幕天席地容我輩此中浩氣須縱橫何緣惻惻怨行
役似茲來去鴻毛輕解裝且作一宵夢夢聽門外江
潮聲

言二
金沙江驛樓

一樓光未暗聊可息行程
燈火宵分意波濤雨後聲
江流和夢遠劍影只愁生
隔岸蝮虺絕清魂定亦驚

渡金沙江作

路出西南徼長途亦裹糧
山程多宛轉水道仍微茫
秋草征人倦官榆舊驛荒
無心逢古渡有客問餘皇
萬里流偏迴千山赴未遑
渠原環笮夔名是昔蘭滄
疏鑿功初及犇騰勢竟狂
踰溝三刻勇捩舵百鈞強
彼岸非遼闊中流意激昂
波瀾生瀕洞篙楫復披猖
沙色金爲比濤聲鼓未當
片時猶惴惴遠溯定俛俛

創議言從古迂談事豈量因茲通鉤牆直欲泛沙棠
犁水經諸國岷山隔此鄉導江由地防乘樁接山岡
甌水如高屋衝波狹劔鏘源隨峯起伏壑盡石包藏
不以經過便奚能曲折詳幾人明水地何處識梯航
遠道來曾數行輓去倍忙他年溯江水高詠續滄浪

阿止莊

阿止莊前路溪喧語不譁山程纔一半官道盡三叉
瓦屋依巖足色籬露樹極草堤迷馬迹石徑記人家
隔牖憐嬌女當門弄野花蠻妝成髮鬢邨笛聽嘔啞
抵莫人輓少留行暝色斜近炊香稻熟小飲濁醪賒

白木牀偏短青泥壁半遮山松然作燭新穀鬻當茶
共說方音好彌生遠地嗟秋風增客語愁思滿天涯

沙坪

鄧川州竟

高樹鉦方挂長亭路未休遠行資健馬遐思狎輕鷗
洱海沿隄闊沙坪向晚投一奩迷遠水方罨識平疇
短脊依灘屋揚颿隔浦舟清光生野鄙霽色到重樓
窗小烏皮潔簾疏玳押收有山皆作碧無樹不宜秋
獨坐心逾靜高吟興寡儔滄波如畫裏明月又峯頭
大有江鄉思應添木葉愁何當未搖落爲共咏滄洲

大理府飛來寺題壁

奇絕飛來寺遊鞦記刹那亂山當面起古木入門多
鍾磬天風響魚龍地軸過點蒼高迴處雪色照峩峩
絕句調吳明
空庭細雨亦廉纖省識秋來小病添葯氣濃熏花氣
減夜寒須下水精簾

酷憐風月應非分別有心情最我曹小閣秋深人不
到烏絲闌寫續離騷

呈檀山長萃四首

先生多道氣江左真師儒昔爲一縣令今作公家徒
不以窮愁身貶損道德腴遺編手不釋投老性命俱

文詞盛波瀾欲救當時愚有時露狂詭盡改凡形模
邊陲地荒僻學問不可孤草堂得相見意境殊恬愉
議論在一世文字非自娛卽今訂往復待與窮根株
世俗日滋異禮失難具論皆由綴文士意不求古人
我讀曲臺記篇第猶可陳代有章句儒精義終沈淪
譬若周道砥而多塞荆榛默齋老居士注禮追經神
刪除俗師說還此二戴真不教終委棄耳目千秋新

間欲合注大小

戴記尙未脫藁

周王好巡遊紀注莫可踵寂寞千餘年巍然出尸冢
筆畫殊古籀破碎益臃腫欲讀口如鉗尋義心更矇

古書有通塞抉發開眼孔字疏復句櫛妙詞若泉涌
辦窮大荒西變怪實此總奇文出奇情舌咋心婁悚
試看宇宙閒此義得幾種

撰穆天子傳十四卷疏中
辨河原萬餘言甚奇確

文章世所同立言存其人窮愁不著述垂老空江濱
先生髮已皤猶寄萬里身點竄六菽論盡洗陳言陳
文辭追楚騷奇迂益悲辛西南萬山中老屋圍荒榛
山阿有山鬼含睇意復瞋淒涼一時語千古誰能鄰

聽人彈琴

蟾蜍不響月在壁四座相看七弦直一宮一徵金徽
鳴魚龍入淵牛斗清道人不覺向天笑千里明河波

有聲空山幾年憶儔侶握手無緣說私語曲中幽意
豈易傳可憐條條槩上弦

黑龍潭紅某

寒山無可憶絕憶兩株梅霜雪奇葩發虬龍老榦摧
蕭疏攜舊侶清冷問高臺深暈殘霞簇微渦醉纈堆
香憐紅雨重影護絳雲來碧血留千劫丹沙種幾回
好爲塵外伴卻想古時開偃蹇相逢處徒傾酒一杯
戊午

贈袁州倅

文揆

若不來南徼如何得見君關山悲失路風雨感斯文

長劍猶能撫嘯鵑不可聞高歌今有伴柰此萬重雲
諸葛留銅鼓王褒祀碧雞方言風雅備故老姓名稽
此日思黔楚頻年習鼓鼙從軍新有曲應向卷中題

君方選輯
滇人詩

古處吾徒事原難與俗宜文章豈莽鹵風氣共維持
此理夙能得逢君忽自疑西南幾人耳傾倒欲相師

柬徐農先

徐生才調敵煙霞別卻江南反憶家明月誰聞芳樹
曲青春同護海棠花愁如科斗文難識色取珊瑚思
未加借問句留幾時事大堤新唱竹枝斜

讀漢書外戚傳

羽翼何時就楚歌空斷腸多情漢天子貧賤事難忘
永巷秋風恨長門墜葉心可憐酒鑪畔空說賦千金
過興義府作

驪馬沙場氣消沮荒煙一片無鼯鼠曠野風多少客
行鬪骸夜深作人語大將歸來賊已平連朝獵獵聞
旗旌黃金鑄印曾如斗白骨成灰豈是鯨此時賊去
千村空十室五室呼芎藭樹根暫可果饑腹道路立
斃僵西風蕭條過客魂俱斷兵火纔知人命賤若將
諸葛作長城劍外何須尙攻戰

昆明廬舍孫文學

紹謀

吳公子

明

過送留宿因

贈

萬種別離思一宵燈火情可憐
暗蛩語總是斷腸聲
風雨懷知己文章保令名
勉爲少年事無忘此時盟

惆悵詞

柳枝太長柳絲短一夜西風到
閒館燈前無那酒杯
深誰識愁腸此時斷斷腸何事
忽逢君淚入深杯語
不聞清軒不留天上月
忽雷欲散空中雲
顛顛青衫顧紅袖
共此離樽兩消瘦
況復千重萬重樹
今宵怕促銅壺漏
猶記相逢眼
易明春山
眉樣寫初成
後庭

紅杏前庭柳大婦流黃中婦箏起來獨倚熏鑪坐絕
似嬌花受煙鎖玉鞭時有問花人難得相看兩心可
柰此東風紫陌何郵亭只許片時過何人爲製青春
曲搵爾生平紅淚多蘭陵公子滇中客一樣看花號
花癡萬種清愁月與盟幾番幽意香同惜會合無期
信未乖同心有字亦低回大堤每問黃衫客恨殺門
前繫馬來去去烽煙滿羅甸當筵一曲商聲變琵琶
已破唾壺殘生前何地重相見卽此真成決絕詞如
君有恨幾人知延年但願長相憶縮地何能竟別離
且自沈沈飲深夜瘦馬待君停一舍蠟淚燒乾燼尙

紅明月未圓花易謝種得情根似海深天涯無處不
寒砧江湖作客飄零日雲樹懷歡惆悵心記將姓字
在歌後劉家弟六年十九交水驛樓斜對門題詩須
記門前柳

威寧州七星橋

百尺浮橋兩度經潺湲水響不堪聽江通巴蜀天成
險巖挹星辰地最靈丞相祠荒秋草白蠻人洞僻暮
煙青大星落後秋風冷鐵柱何人許勒銘

石鼓歌

古人論書宗石鼓日坐高齋想摹取偶向苴蘭市上

行十番得自秦中賈壁閒暫張古香聞詰屈龍蟠瘦
蛟舞二千餘歲精光存三百六篇文字補此中奇字
釋同異趨趨重文校楊許周文周宣歌則殊或云羸
政夸厥武初尋筆畫斯頗同更訥偏旁籀尤古八分
未散隸書微字青石赤茲可觀遺碣瑯琊迹太殘古
鼎焦山差共數大篆當年起蒼頡正定史篇傳十五
與茲表裏足相發鄭樵潘迪猶莽鹵卻疑身立周秦
間去問六書譬帝虎父書摹印總後出豈許紛紛變
門戶近人學書太羸率對此模黏意殊苦賈人告我
攜此文輾轉梁荆貨無主今朝拂拭適露奇若得歌

詩更傾吐嗚呼謂爾毋惻惻古思幾人得相與陳倉
既已遇司業敲火還愁逢牧豎近聞十鼓貯太學天
球河圖共東序

聖人右文學士勵褰裳輒欲窺堂宇手摹古文考古
韵敬頌

羲軒紀

堯禹無如顛頽尙布衣行返故園耕樂土精舍中臧
石鼓文復取斯冰配廊廡忍飢猶可坐終日尙友何
容覓徒侶嗚呼此鼓歌者多落落人閒自仰俛我從
後來三歎息草元亭前日卓午

貴筑厲舍哭汪明之先生

高山將安仰涕淚先填膺時命曷足問道義天應憎
吾師挺奇姿早歲期名稱幼敏宿儒席長欲追高曾
宏文中射策自此賢書登遂有斐然思意氣誰能陵
良才敵騏驥銳志如秋鷹春官歲頻上淚落壺中久
劉蕡昔下第衡鑒何可憑京華二十載輦轂聲鞞鞞
騎驢自往來旅舍雜俗僧清華悉後進問字致縑緡
碩儒東原翁招邀話秋藤往復輒辨論共期絕學興
數年東原死同輩多蜚騰不爲形勢趨歸卧秋風墜
陋巷屋數閒圖書堆千層一室處婦子一室供校謄

性情寄篇咏名山業方宏賞譽益匪苟有若久鏡激
卽今貴耳者好尙原不恒羣怪所不識一得適自矜
翔鳳時童子氣盛不可繩非咲出鄉曲口說來揚騰
狂吠越蜀犬蜚語蒼青蠅吾師獨識別誘掖堂俾升
高才有林衍湖徐題得埊同門朋學問豈敢言稽古
得一鐙時時春風座講盡揮以肱新論闢茅塞奇詣
得上乘先生五十餘述作隨年增弟子十許輩疑義
叩必膺魯申濟南伏道氣如山凝遺經抱未泯將見
蒲輪徵憶昔歲乙卯萬里方行滕別時相勉厚此語
曩敬承如何兩年後欲見終不能蕭條黔陽秋西日

方淒淒鄉書獨不卒中若病結瘕鴻儒豈易得薄俗
方薨薨文詞無古風師友失勸懲江河日以下欲挽
將誰勝巍巍漢唐學厥若朽岸崩師門諸君子守道
皆兢兢會當博千古莫學秋林蠅大義如冥鴻所貴
弋以贈申明一師說不作詞模稜胡槌實華美制作
殊籟登山嶽資地勢觀望先峻嶒何時天池中風搏
圖南鵬

牟珠洞 在貴定縣境

亂山高下埋夕曛流泉如磬聲聲聞老僧杖筇石橋
立招客入探山溪雲山溪有洞極深杳松青蘿綠回

坡繞入得洞口微通明古佛跏趺石臺小寒溜令人
心骨清山靈怵我形神悄此時遊興方未衰篝燈而
進窳幽奇摩挲疑有鬼神覺對面若恐罡風吹石蓮
花生作奇色坐阿羅漢天然姿熊虎師子蛟龍螭各
各俛首如拘縻何時留此一異迹是鬼神作非人爲
至此茫然更何已曲徑深幽迷洞底我常夢想珍珠
船有叟荒唐事曾僂牟珠洞有珍珠船事見檀進士楚庭稗珠錄小來結
願求神僊柰多擾擾風塵緣我思世有洞天三十六
此洞何不聞人傳自然之境出初古荒陬埋沒千千
年昔人所著未必盡奇絕今人所得或可超從前四

年於茲兩度經前者鹵莽茲者亦復空棄捐不如老
僧坐禪室山中旦暮聞流泉

放馬行

家大人於興義軍營畜馬二至鎮遠以水路不需騎
放去兩馬隨舟嘶鳴十許里賦放馬行

牂柯以西出善馬瞳寬踠蹙色汗赭登崖絕澗總如
飛年年慣走蠻山下前秋仲苗忽犯順奢香十驛皆
戈刃小駟驅來輓芻粟飛黃亦習衝行陳兩馬軍中
亦一年朝嘶石榭夜披韉劍光似雪常思戰礮石如
雷志欲前無如一戰終難決直待經年苗命絕走卒

都冠翠鳥毛將軍還鑄梁州鐵論功不許連文吏算
罷軍書整歸騎纔出黔山鳥路重又看潯水鷗波膩
一家舩艇溯江鄉脫卻橐鞬寶劍藏爲爾解將金絡
去春山羅甸任倘佯兩馬不秣立四耳隨舟嘶鳴十
餘里歸來有意馬豈知高高者山蒼蒼水

僊人屋

在辰州水道絕壁上

高崖夾深澗萬仞凌空虛飛者無鷹隼緣者無猱狙
板屋何年在臚列若市閭或作畫簾捲或作綺窗疏
理無人迹到架構當何如相傳古僊人以此爲室居
歷年無壞朽有神爲埽除我思古僊人渺慮萬象餘

天地適堂宇往來雲捲舒豈若世俗人適欲營田廬
或者水之性高下隨時趨得非千年上與此屋不殊
人家傍崖住臨岸維繩樞只今岸爲谷空留此形模
風吹日乾燥雨露難霑濡是以歷年所朽壞終可無
此理或當是此異良足書滄棗卽可識奚必太古初

雨中過岳州

一片迷茫色孤城露岳州商歌來極浦橫篴又高樓
雨裏滄波遠烟中暝色收君山何處是渺渺欲生愁

鸚鵡洲弔禰正平作

漢末斯賢少徒教得賦名奇才厄黃祖枯骨笑諸卿

樹木寒洲滿風雲古思盈迢迢漢江水千古有餘清
雨泊琵琶亭下聞琵琶作

難說空江思繁聲思更加孤亭忽風雨靜夜響琵琶
似怨寒潮滿頻驚客夢賒潯陽舊來事棖觸意無涯

彭澤縣

小郭來彭澤中江最上頭高風挹千古寒雨住扁舟
種秫田應在柴桑客未留篷窗手陶集吟過此汀洲
已未

江中望金山

水程百折近鄉關極目東南杳靄開大地竟窮江入

海長天只有水浮山春前遠樹空
縣邈烟裏扁舟自往還
卻想妙高臺上月亂雲無際擁
彎環

登金山寺題壁

依稀此地六年別喜有留人兩日
風蠟屐未能登絕頂浮圖已覺俯
江中潮聲只護前朝寺山色應添
春樹叢攜得龍團茶似月細烹泉
水坐空濛

過明之先生故居

昔歲尋常到今來感故居音容遺
壁掛手澤贖楹書越客歸方晚主
人喪未除關心封禪草零墜已何
如窮巷三間屋愁人恨已并典型
隨日遠草樹隔年生

弟子非東魯先生舊洛城
高歌今未得唯有涕如傾

哭外弟袁彥羣

陶姓

春前淚已比千絲
此耗傳來痛更癡
風氣望君成宅相
文章待爾作吾師
人天小謫緣何淺
僊佛多情去定遲
莫便招魂賦蘿薜
月明夜冷讀書帷

人間似子豈無成一讀離騷句便驚骨相太清偏
解恨心肝欲嘔況多情庭前話已悲酥酪湖上艤應記
薜蘅

殤於杭州

無限江城春草色
祇因沈痛望難明

得袁州倅

文煇

滇中消息因寄兼呈檀山長

萃

杜大令

鈞陳處士

元福

八首

欲作蒼山夢清魂到亦難峯頭梅早發江上雪初殘
未擘蠻牋寄先開尺牘看懷人春日事顛倒總千端
自別諸君去江湖涉漸深湘雲騷客賦山月故人心
遠水孤颿過長空一鳥沈西南渺何處寂寂寄瑤琴
隨侍還桑杼蒼黃問里人鄉情已殊昔近事未堪陳
涕淚衰麻漬松楸畚鍤親侍家君爲先祖
營官浦葬地空臨墓田
帖顛顛五湖濱

水國春寒甚愁人戶不開兼旬封筆硯空室滿塵埃
只恐戎韜破誰將寶劍猜因思萬山裏定有斷蟻哀
吳下富文藻翩翩尙舊時可憐名士習慣作女郎詩

光燄歸何處詞章定屬誰何須說風氣卽此已支離
太華峯千仞昆明劫幾年縱橫容我輩聚散在生前
萬里別知己三春愁禁煙郵筒足往返好寄一千篇
贈荅前年句相知檀杜并前贈詩云師友檀與杜緣
溪得畧約可愛東南風吹
到未瘦客瘦
容余舊號也浮沈羈宦久取次著書成祇恐垂垂老
難同落落情憑書問安否願減氣縱橫

莫遣離憂去其如歲月何頻緡貨殖傳欲續倚楹歌
病後裁篇少春前制淚多陳髯如得見爲說意蹉跎

題袁二外弟

歲

詩卷

漸覺疏風動木聲夕陽照入小窗明青山鷄比君詩

好細詠清涼體骨生

一行雁影竟差池

調彥羣

此恨知君未有期蕉葉亂翻

人獨坐不堪重和對牀詩

常州逢陸七

繼輅

吐肺傾肝兩不疑一樽遲爾日斜時青山冷眼看應
久綠酒愁腸飲未宜且貶詩情平氣習更憑深意送
歲規天涯磊落人無幾肘後何堪繫楚辭

庚申

錄別六首

行裝點檢總銷魂此日行舟艤郭門遊子江湖愁少

別古人時命豈輕論篋中篇策皆庭訓衣上風塵尙
綫痕欲識長安人物志擬將儒術抵公孫

童年識字氣難降季父憐余性最蠢鐙火十年同竹
屋牙籤萬卷理甞窗養疴漸減身應健注易如成義

寡雙此去空悲潤州道甲寅年記渡長江

甲寅二月
與季父侍

先祖父母
至江寧

白雲舊吏吾從叔自命文豪豈偶然已向風前歎顛
顛祇因柳意太纏絲寫來十上羅橫策纔過三旬賈
誼年兔目官槐春始去大堤何不共催鞭

每歌杖杜不酸辛賴有同懷妹五人山色一樓陳漢

魏水程萬里記梁岷誰知骨肉分離意況我舟車輾
轉頻從此歌詩不能輟大雷書好托文鱗

弟兄十輩我爲兄送我門前百感生近日家庭非寂
寞早年頭角各崢嶸文章有道爲休易師友多賢問
莫輕羣阮太疏羣謝薄他年須記對牀情

書末誰將委曲聽一篇僮約付奴星牛宮雞柵朝須
補酒椀茶鐺夜要醒端藉辛勤得衣食還宜樸謹候
門庭蕭家老僕康成婢千古才人眼共青

至常州小住觀是樓書意

阿母歸寧日狂兒正北遊衣裝重點檢信宿且句留

五夜一人誦經年萬卷樓此行真戀戀愁絕碧溪流

淮安懷袁徵士

棠

此日淮陰市東風百感生蒼茫唯遠水飄泊見春城
帶劍心徒壯吹簫意未平名賢遊食地芳草倍關情

泰安道中望嶽

驅車泰山麓極目最高層封禪儀誰說屣屨客勸登
天門雲未散瀛海日初升何日秦碑下松聲坐共磨

贈惲子居

敬

之官江西

惲侯一文士平生邁流俗雖然爲吏久身顧不錄錄
官與彭澤鄰知輕五斗粟探籌非偶然自古重司牧

言二
二
棒檄去江西此路我亦熟風俗非剽輕人多計生蓄
有時伺官長亦頗驚寵辱政寬則民嫚大急良已蹙
當以誠信先而後明約束至於牙門胥剝削恣所欲
深嚴不少假諒可息荼毒以彼無事鄉知易到淳樸
化之以六經非君更誰屬自我來京師相見慰心曲
握手情未窮驪歌早相促君以王事勤我復空躑躅
迢迢豫章城勿勿征涂遯民氣本易蘇廉吏數人足
莫憂小瘡瘡當去大桎梏行行畏友生此意厚相勗
題濟南張氏邇岐儀禮句讀二十二韻

微言旣已絕人人能著書紛綸說千家不異夔與臧

士禮十七篇孰更求權輿北海鄭司農空以擘經臞
棄置或不譚學僮失奇觚昌黎苦難讀所愧爲大儒
於今無所用古顏來抑掄半山變新義復譏爲虛拘
何殊九畹蘭遭此杞犁耨高堂生所傳零落依榛墟
人或咲六朝禮法蕩無餘當時置博士其學猶未孤
誰知宋元後一廢不可扶斷爛失校讐三寫成魯魚
有如髮千絲亂者誰杞梳張生痛絕學抱笈尋荒涂
戚戚老布衣頭白唯菰蘆往來亭林翁討論非齟齬
巍然一書成秘寶同殷瑚是雖號章句從可追根株
遺編參后戴不使仍荒蕪煢煢蒿盦中苦志千秋趨

題家語

狂瀾既倒道寧論
郢說燕書一例存
絲竹不聞青檢斷
銅槃蠟燭我曾捫

送族兄

奎光

之官河南尉

蕭瑟金臺路
將爲風雪行
一官將母志
千里送君情
鄉國雲猶隔
文章氣未平
此時遊子意
去住總愁生

過滕縣

筴馬過滕壤
當年齊楚鄰
井田猶有地
戰國久無人
野望仍空闊
奇懷欲引申
至今踵門轍
徒見往來頻

辛酉

輓徐復堂丈應階

父執復堂徐先生讀書勵行潛蹤鄉里中壽淹逝交
親咸哀長嗣直卿方試京兆間疾歸視尙未抵舍念
在去歲慘罹偏罰倉皇入門今茲直卿情復相類各
抱沈痛形於五言

名德何由挽西風慄此晨傷心天外客不見倚閭人
王戊

示從弟

儀鳳丹鳳岡鳳

哭泣謂諸弟同爲失母人他年如陟岵中路各酸辛